

古
史
紀
年

古史紀年卷五

閩中林春溥鑑塘集

殷商成湯

原註名履湯有七名而九征

索金樓子湯有七號一名姓生二云履長三云瘠

四云天成五云天乙六云地甲七云成湯九征者有洛

也荆也溫也韋也顧也昆吾也夏邑也三服也紀年只

載其八知有洛之前必有征葛之文今本缺耳又伐密

須見國策滅斟觀見路史故孟子云十一征或謂征只

九國而顧與昆吾並煩再駕故云十一征謂用兵十一

次也而世紀云湯凡二十七征而德施於諸侯未知所

據放桀于南巢而還諸侯八譯而來者千八百國

曰古大禹之時諸侯萬奇肱氏以車至山海經奇肱

國及湯之時諸侯三千奇肱氏以車至之國郭注曰

其人善為機巧能作飛車從風遠行湯時得之於陳州

界中即壞之不以示人後十年西風至復作遺之博物

志曰其國去乃同尊天乙履為天子三讓遂即天子之

玉關四萬里乃同尊天乙履為天子三讓遂即天子之

位湯在亳能脩其德東至于洛觀帝堯之壇沈璧退立

黃魚雙躍黑鳥隨之止于壇化為黑玉又有黑龜並赤

次成字言夏桀無道湯當代之構机之神見于邳山周見

語有神牽白狼銜鉤而入商朝金德將盛銀白山谿呂氏

春秋曰湯之時天先見金刃生於水湯曰金氣勝金氣勝故其色尚白其事則金湯將奉天命

放桀夢及天而舐之東至于洛至此並見宋符瑞志遂有天下商人後

改天下之號曰殷詩補傳曰殷以潁水得名古潁水縣今陳州之商水縣也殷商兼商山潁

水言之

十八年癸亥王卽位居亳

周書曰湯放桀而復薄三千諸侯大會湯退再拜從諸

侯之位湯曰此天子之位有道者可以處之天下非一

家之有也有道者之有也故天下者唯有道者理之唯

有道者紀之唯有道者宜久處之湯以此讓書大傳三讓

千諸侯莫敢卽位然後湯卽天子之位

案莊子稱湯謀伐桀於亳而誓

光二人皆辭不知及克桀以讓卜隨自投門水而死

又讓誓光光自沈於廬水呂覽亦同皆寓言非實不具

錄書序曰湯歸自夏至于大坰仲虺作誥史記曰湯歸至於泰卷陶

中題成湯放桀于南巢惟有慙德曰予恐來世以台爲

口實仲虺乃作誥曰嗚呼惟天生民有欲無主乃亂惟

天生聰明時又有夏昏德民墜塗炭天乃錫王勇智表

正萬邦纘禹舊服茲率厥典奉若天命夏王有罪矯誣

上天以布命于下帝用不臧式商受命用爽厥師簡賢

附勢實繁有徒肇我邦于有夏若苗之有莠若粟之有

秕小大戰戰罔不懼于非辜矧予之德言足聽聞惟王

不邇聲色不殖貨利德懋懋官功懋懋賞用人惟已改

過不吝呂氏春秋曰湯有司過之士管子克寬克仁彰

信兆民乃葛伯仇餉初征自葛東征西夷怨南征北狄
怨曰奚獨後予攸徂之民室家相慶曰猷予后后来其
蘇民之戴商厥惟舊哉佑賢輔德顯忠遂良兼弱攻昧
取亂侮亡推亡固存邦乃其昌曰德新萬邦惟懷志自
滿九族乃離王懋昭大德建中于民以義制事以禮制
心垂裕後昆予聞曰能自得師者王謂人莫已若者亡
好問則裕自用則小嗚呼愼厥終惟其始殖有禮覆昏
暴欽崇天道永保天命湯既黜夏命復歸于亳作湯誥
王歸自克夏至于亳誕告萬方王曰嗟爾萬方有衆明
聽予一人誥惟皇上帝降衷于下民若有恆性克綏厥
猷惟后夏王滅德作威以敷虐于爾萬方百姓爾萬方
百姓罹其凶害弗忍荼毒並告無辜于上下神祇天道

福善禍淫降災于夏以彰厥罪肆台小子將天命明威
不敢赦敢用元牡敢昭告于上天神后請罪有夏肆求
元聖與之戮力以與爾有衆請命上天孚佑下民罪人
黜伏天命弗僭賁若草木兆民允殖俾予一人輯寧爾
邦家茲朕未知獲戾于上下慄慄危懼若將隕于深淵
凡我造邦無從匪彝無卽愆淫各守爾典以承天休爾
有善朕弗敢蔽罪當朕躬弗敢自赦惟簡在上帝之心
其爾萬方有罪在予一人予一人有罪無以爾萬方鳴

呼尙克時忱乃亦有終

史記曰既紂夏命還亳年湯誥維三月王自至於東郊告諸侯

羣后弗不有功於民勤力迺事予乃大罰殛女母小子思
曰古禹皋陶久勞於外其有功乎民乃有安東爲江
北爲濟西爲河南爲淮四瀆已修萬民乃有居后稷降
播農殖百穀三公咸有功於民故后有立昔蚩尤與其
大夫作亂百姓帝乃弗予有狀先王言不可咎單作明
不勉曰不道母之在國女毋我怨以令諸侯

咎單作明

居

篇亡○馬融曰告單湯司空也明居民之法也

史記曰乃改正朔易服色上

白朝會以晝

管子曰般人之王立帛牢服牛馬以為民利而天下化之世紀曰湯令未命之為士

者車不得朱軒及有飛軫不得乘飾車駟馬衣文繡呂氏春秋曰湯立為天子夏

民大說如得慈親朝不易位農不去疇商不變肆親郭

如夏此之謂至公鬻子曰湯之治天下也得慶誦伊尹

淳里且東門虛南門蟬西門疵北門側得七大夫佐以

治天下而天下治國策顏觸曰湯有三輔列仙傳曰仇

生當殷湯時為木正

索隱曰孤竹君殷湯三月丙寅所封

始屋夏社

漢書曰湯伐桀欲遷夏社不可作夏社

書序曰作夏社疑至臣屈○三

篇俱亡乃遷烈山子柱而以周棄代為稷祠禮記曰天子

大社必受霜露風雨以達天地之氣也故喪國之社屋

之不受天陽也公羊傳曰亡國之社掩其上柴其下白
虎通曰禮曰亡國之社稷必以為宗廟之屏示賤之也

淮南子曰殷人之禮其社用石祀門葬樹松

十九年大旱

汜勝之書曰湯有旱災伊尹作為區田教民糞種負水

澆稼收至畝百石

淮南子曰伊尹之興土功也修脛者使之踰鑿強脊者使之負上眇者使

之舉偏者使之塗各有所宜而人性齊矣

氏羌來賓

山海經曰炎帝之孫名曰靈怒靈怒生互人

同有互人氏

之國又曰伯夸父生西岳西岳生先龍先龍是始生氏

羌氏羌乞姓商頌曰昔有成湯自彼氏羌莫敢不來享

莫敢不來王曰商是常

漢書匡衡疏曰成湯化異俗而懷鬼方

二十年大旱

漢書公孫宏曰湯之旱桀之餘烈也

夏桀卒于亭山

荀子曰桀死於亭山

註亭山南巢之山或本作阿山與地志曰巢縣卧牛山後有桀王城

史記曰桀放而死謂人曰吾悔不遂殺湯於夏臺使至

此湯封夏之後

正義曰括地志云夏亭故城在汝州郛城縣東北五十四里蓋夏后所封也

括地譜曰

史引

桀放鳴條三年而死其子獫狁妻桀之

衆妾避居北海隨畜移徙中國謂之匈奴

禁弦歌舞

尸子曰湯之救旱也乘素車白馬著布衣喫白茅以身

爲牲禱於桑林之野當是時弦歌鼓舞者禁之

二十一年大旱鑄金幣

管子曰湯七年旱湯以莊山之金鑄幣而贖民之無糧賣子者

二十二年大旱

說文曰湯遭旱作土龍以象雲從龍也

寰宇記曰宛丘縣陳州州城湯

井在州門南故老傳云殷湯大旱人民衆穿此井

二十三年大旱

墨子曰湯五年旱呂氏春秋曰湯克夏而正天下大

旱五年不收

二十四年大旱王禱于桑林雨

說苑曰湯之時大旱七年雒坼川竭煎沙爛石於是使

人持三足鼎祝山川

呂氏春秋曰湯乃以身禱於桑林

教之祝曰政不

節邪使人疾邪苞苴行邪譏夫昌邪宮室崇邪女謁盛

邪何不雨之極也蓋言未已而天大雨

案諸書多言七年大旱

竟獨言五年莊子公孫龍又云湯之時八年七月旱以紀年證之自十九年至此為六年又伐桀之年免其大雷雨而其始固以涸旱發師見呂覽是八年七月之說不虛也至六事自責語本荀子而呂覽乃謂剪髮斷手身為犧牲世紀遂襲其語未免不經今不具錄

二十五年作大濩樂

世紀曰二十有四祀大旱禱於桑林之野以六事自責

言未已大雨數千里歲則大熟天下驩洽遂作桑林之

樂名曰大濩

呂氏春秋曰湯率六州以討桀罪功名大

露修九招六列以見其善春秋乃命伊尹作焉大濩歌其民大樂其教之於患害故樂名大護護者救也韓詩

外傳曰湯作濩聞其宮聲使人溫良而寬大聞其商聲

使人方廉而好義聞其角聲使人惻隱而愛仁聞其徵

聲使人樂養而好施聞其羽聲使人恭敬而好禮

初巡狩定獻令

周書曰湯問伊尹曰諸侯來獻或無牛馬之所生而獻
遠方之物事實相反不利今吾欲因其地勢所有獻之
必易得而不貴其爲四方獻令伊尹受命於是爲四方
令曰臣請正東符婁仇州伊慮漚深九夷十蠻越漚鬻
髮文身請令以魚皮之鞞烏鰂之髻鮫厥利劍爲獻正
南甌鄧桂國損子產里百濮九茵請令以珠璣瑇瑁象
齒文犀翠羽菌鶴短狗爲獻正西昆侖狗國鬼視枳已
闌耳貫冑雕題離王漆齒請令以丹青白旄紕罽江厯
龍角神龜爲獻正北空同大夏莎車姑他旦略豹胡代
翟匈奴樓煩月氏熾犁其龍東胡請令以橐駝白玉野
馬騊駼騊駼良弓爲獻湯曰善

二十七年遷九鼎于商邑

左傳王孫滿曰昔夏之方有德也遠方圖物貢金九牧
鑄鼎象物百物而爲之備使民知神姦故民入川澤山
林不逢不若魑魅罔兩莫能逢之用能協于上下以承
天休桀有昏德鼎遷于商世紀曰湯卽天子位遷九

二十九年陟是年甲戌

世紀曰卽位十七年而踐天子位

前編在十八紀爲天子十三

年

三統歷同○案紀年湯十七年克夏十八年卽位而

世紀以踐位卽在克夏之年故云爲天子十三年合

計實以二十九年與紀年合經年百歲而崩皇覽曰湯

世前編謂湯共二十祀非也冢在濟陰亳縣北東郭去州三里冢四方各十步高

七尺

杜預曰蒙縣西北有亳城中有湯冢史正義曰括

地志云薄城北郭東三里平地有湯冢按在蒙卽

北薄也又云洛州偃師縣東六

里有湯冢近桐宮蓋此是也

外丙

原註
名勝

史記曰湯崩太子太丁未立而卒於是乃立太丁之弟外丙是為帝外丙

元年乙亥

以後並踰
年改元

王卽位居亳

命卿士伊尹

商頌曰昔在中葉有震且業允也天子降于卿士實維阿衡實左右商王

二年陟

孟子曰外丙二年

仲壬

原註
名庸

史記曰帝外丙卽位三年崩案三當立外丙之弟中壬是為帝中壬

元年丁丑王卽位居亳命卿士伊尹左傳後序引同

四年陟

孟子曰仲壬四年

太甲原註名至

史記曰中壬卽位四年崩伊尹乃立太丁之子太甲太甲成湯適長孫也是爲帝太甲

元年辛巳

唐大衍歷推太甲二年壬午歲冬至應在女六度與紀年合

王卽位居亳命卿士伊尹

書序曰成湯既沒太甲元年案傳謂湯沒而太甲立疏謂太甲以孫繼祖而不數

外丙仲壬皆執泥書序之過伊尹作伊訓肆命徂后二篇伊訓曰惟

元祀十有二月乙丑伊尹祠于先王三統歷引伊尹祠于先王曰惟太甲元年

有二月乙丑朔伊尹祀于先王誕資有牧方明言維

成湯太丁外丙之服以冬至越弗祀先王於方明以祀

上帝是朔也奉嗣王祗見厥祖侯甸羣后咸在百官總

已以聽冢宰伊尹乃明言烈祖之成德以訓于王曰鳴

呼古有夏先后方懋厥德罔有大災山川鬼神亦莫不

率暨鳥獸魚鼈咸若于其子孫弗率皇天降災假于

我有命造攻自鳴條朕哉自亳惟我商王布昭聖武代

虐以寬兆民允懷今王嗣厥德罔不在初立愛惟親立

敬惟長始于家邦終于四海嗚呼先王肇修人紀從諫

弗拂先民時若居上克明爲下克忠與人不求備檢身

若不及以至于有萬邦茲惟艱哉敷求哲人俾輔于爾

後嗣制官刑儆于有位曰敢有恆舞于宮酣歌于室時

謂巫風敢有殉于貨色恆于遊畋時謂淫風敢有侮聖
言逆忠直遠耆德比頑童時謂亂風惟茲三風一愆卿
士有一于身家必喪邦君有一于身國必亡臣下不匡
其刑墨具訓于蒙士嗚呼嗣王祇厥身念哉聖謨洋洋
嘉言孔彰惟上帝不常作善降之百祥作不善降之百
殃爾惟德罔小萬邦惟慶爾惟不德罔大墜厥宗

王徂桐宮居憂

紀年云伊尹放太甲于桐乃自立註云伊尹自立蓋誤以攝政爲真耳今據尚書改正

書序曰太甲既立不明伊尹放諸桐三年復歸于亳思
唐伊尹作太甲三篇惟嗣王不惠于阿衡伊尹作書曰
先王顧諟天之明命以承上下神祇社稷宗廟罔不祇
肅天監厥德用集大命撫綏萬方惟尹躬克左右厥辟

宅師肆嗣王丕承基緒惟尹躬先見于西邑夏自周有終相亦惟終其後嗣王罔克有終相亦罔終嗣王戒哉祇爾厥辟辟不辟忝厥祖王惟庸罔念聞伊尹乃言曰先王昧爽不顯坐以待旦旁求俊彥啟迪後人無越厥命以自覆愼乃儉德惟懷永圖若虞機張往省括于度則釋欽厥止率乃祖攸行惟朕以懌萬世有辭王未克變伊尹曰茲乃不義習與性成予弗狎于不順營于桐宮密邇先王其訓無俾世迷王徂桐宮居憂克終允德

史正義曰太康地記云尸鄉南有亳阪東有城太甲所放處也按尸鄉在偃師西南五里

三年十有二月朔伊尹奉王歸于亳

紀年云七年王潛出自桐殺伊尹于大霧

三日乃立其子伊陟伊奮命復其父之田宅而中分之約案此文與前後不類蓋後世所益今並削之據尚書

正改

史記曰帝太甲既立三年不明暴虐不遵湯法亂德於

是伊尹放之於桐宮

案史謂既立三年乃被放與書序不同蓋誤

三年伊尹

攝行政當國以朝諸侯帝太甲居桐宮三年悔過自責

反善於是伊尹迺迎帝太甲而授之政太甲曰惟三祀

十有二月朔伊尹以冕服奉鬯王歸于亳作書曰民非

后罔克胥匡以生后非民罔以辟四方皇天眷佑有商

俾嗣王克終厥德實萬世無疆之休王拜手稽首曰予

小子不明于德自底不類欲敗度縱敗禮以速戾于厥

躬天作孽猶可違自作孽不可逭既往背師保之訓弗

克于厥初尙賴匡救之德圖惟厥終伊尹拜手稽首曰

修厥身允德協于下惟明后先王子惠困窮民服厥命

罔有不說並其有邦厥鄰乃曰後我后后來無罰王懋

乃德視乃烈祖無時豫怠奉先思孝接下思恭視遠惟
明聽德惟聰朕承王之休無斁伊尹申誥于王曰嗚呼
惟天無親克敬惟親民罔常懷懷于有仁鬼神無常享
享于克誠天位艱哉德惟治否德亂與治同道罔不興
與亂同事罔不亡終始慎厥與惟明明后先王惟時懋
敬厥德克配上帝今王嗣有令緒尙監茲哉若升高必
自下若陟遐必自邇無輕民事惟難無安厥位惟危慎
終于始有言逆于汝心必求諸道有言遜于汝志必求
諸非道嗚呼弗慮胡獲弗爲胡成一人元良萬邦以貞
君罔以辯言亂舊政臣罔以寵利居成功邦其永孚于
休

路史發揮曰太甲之居桐宅諒陰爾百官聽於冢宰
此處喪之常紀非攝也惟太甲立而不明既乃倍去
師保之訓故尹因其諒陰營宮于桐俾之密邇先王之
室而作其憤排之心謂之放者自內而外之言非廢也

惟三祀十二月伊尹以冕服奉鬯王歸于亳是起復之
例非再立也考太甲三篇其上篇乃甲居憂之時中篇
乃甲免喪之後而下篇則尹去位之時前有伊訓以咸
始事後有成有一德以終義曷嘗有廢立之一言哉咸
有一德曰伊尹既復政厥辟將告歸乃陳戒于德曰嗚
呼天難諶命靡常常厥德保厥位厥德靡常九有以亡
夏王弗克庸德慢神虐民皇天弗保監于萬方啟迪有
命眷求一德俾作神主惟尹躬暨湯咸有一德克享天
心受天明命以有九有之師爰革夏正非天私我有商
惟天佑于一德非商求于下民惟民歸于一德德惟一
動罔不吉德二三動罔不凶惟吉凶不僭在人惟天降
災祥在德今嗣王新服厥命惟新厥德終始惟一時乃
日新任官惟賢才左右惟其人臣爲上爲德爲下爲民
其難其慎惟和惟一德無常師主善爲師善無常主協

于克一俾萬姓咸曰大哉王言又曰一哉王心克綏先
王之祿永底蒸民之生嗚呼七世之廟可以觀德萬夫
之長可以觀政呂氏春秋引作五世之廟可以觀德萬夫之長可以觀政后非民罔
使民非后罔事無自廣以狹人匹夫匹婦不獲自盡民
主罔與成厥功

十年大饗于太廟

祭法曰殷人禘嘗而郊冥祖契而宗湯詩序那祀成湯
也猗與那與置我鞀鼓奏鼓簡簡衍我烈祖湯孫奏假
綏我思成鞀鼓淵淵嘒嘒管聲既和且平依我磬聲於
赫湯孫穆穆厥聲庸鼓有數萬舞有奕我有嘉賓亦不
夷憚自古在昔先民有作溫恭朝夕執事有恪顧予烝
嘗湯孫之將

初祀方明

惠定字曰案伊訓及紀年所稱方明

三統歷引伊訓云伊尹祀于先王

資有牧方明見元年

乃明堂六宗也觀禮之方明實仿殷制紀年

十年當作元年太甲喪畢之元年行吉禘之禮宗祀成

湯於明堂祀畢乃見諸侯與觀禮同

案三統歷引伊訓明言雖有服以冬

至祀先王于方明安得云喪畢之元年乎或郊冥宗湯至十年方定其禮故云初耳

十二年陟

年代歷經世通志前編並云三十三年

史記曰太甲修德諸侯咸歸殷百姓以寧伊尹嘉之褒

帝太甲稱太宗郡國志濟南歷城縣皇覽曰太甲有冢

在歷山上

沃丁

原註名絢

史記曰太宗崩子沃丁立

元年癸巳王卽位居亳命卿士咎單

八年祠保衡

升菴外集曰伊尹壽五百有
五歲見竹書紀年今本無

世紀曰沃丁八年伊尹卒百有餘歲大霧三日

論衡引
書曰伊

尹死大霧三日沃丁葬之以天子之禮

孔氏曰以三公禮葬祀以太牢親

自臨喪三年以報大德

呂氏春秋曰商書序曰沃丁既

葬伊尹于亳

阜覽曰伊尹冢在濟陰已氏平州鄉亳通

已氏史正義曰括地志云伊尹墓在洛州

偃師縣西北八里又云宋州楚丘咎單遂訓伊尹事作

沃丁

篇亡

十九年陟

經世通志前編並云二十九年

小庚

原註名辨約集
史記作太庚

史記曰沃丁崩弟太庚立是為帝太庚

元年壬子王卽位居亳

統箋曰小庚小甲雍己元年卽位皆不言命卿士者並咎單爲相也

五年陟

經世通志前編云二十五年

小甲

原討名高

史記曰帝太庚崩子帝小甲立

世本同世表云小甲太庚弟

元年丁巳王卽位居亳

七年

玉海曰至道二年呂奉天上言起商王小甲七年十二月甲申朔旦冬至自此後每七十六年得一朔旦

冬至

十七年陟

經世前編同通志云三十六年又引帝王本紀云五十

七年

雍己

原註名個一本作佑

史記曰帝小甲崩弟雍己立是為帝雍己

元年甲戌王即位居亳

史記曰殷道衰諸侯或不至

十二年陟

經世前編同通志云十三年

太戊

原註名密

史記曰帝雍己崩弟太戊立是為帝太戊

子庚之

元年丙戌王即位居亳命卿士伊陟臣扈

案湯初克夏桀遷夏社作臣扈

之篇至太戊而扈猶在今以前編計之共得一百三
十年以紀年計之只八十四年耳是紀年為可信也

書君奭曰在太戊時則有若伊陟臣扈格于上帝巫咸
父王家史記曰帝太戊立伊陟為相帝太戊贊伊陟於
廟言弗臣伊陟讓作原命書序曰太戊贊于伊陟作伊陟原命○篇俱上
七年有桑穀生于朝

史記曰亳有祥桑穀

小雅受有福檀其下維穀註穀惡木也

共生於朝一

暮大拱

書大傳漢五行志家語說苑論衡並作七日大拱

帝太戊懼問伊陟伊

陟曰臣聞妖不勝德帝之政其有闕與帝其修德太戊

從之而祥桑枯死而去

案桑穀之祥記載各異呂氏春秋韓詩外傳皆云湯時生之書

大傳漢五行志劉書新論並以武丁時論衡說苑則既以為武丁時又以為太戊時各岐其說扈林謂桑穀生商朝者三而均為典商之祥然史記說本書序較為可信

世紀曰太戊退而占之

曰桑穀野木不合生於朝意者朝亡乎太戊懼修先王之政明養老之禮三年而遠方重譯而至者七十六國

十一年命巫咸禱于山川

封禪書曰太戊修德桑穀死伊陟贊巫咸

書序曰伊陟相太戊有祥

桑穀共生于朝伊陟贊于巫咸作咸父四篇○俱亡

巫咸之興自此始

辭以巫咸

主神蓋太史以巫接神事太戊使釀桑穀之災所以伊陟贊巫咸故云巫咸之興自此始也案世紀太戊以桑

穀之異問於伊陟退又占之而世本謂巫咸作伊陟主朝當即巫咸之辭與伊陟語相表裏遂使太戊修德

三年而遠人慕義書序所謂伊陟贊于巫咸其即此乎山川之禱適在三年之後或所以答神貺亦以見殷人

之尚鬼也論衡曰巫咸能以祝延人之疾郊祀志曰民之精

爽不貳齊肅聰明者神或降之在男曰覲在女曰巫使

制神之處位爲之牲器使先聖之後能知山川敬於禮

儀明神之事者以爲祝能知四時犧牲壇場上下民姓

所出者以爲宗故有神民之官各司其事不相亂也民

神異業敬而不黷故神降之嘉生民以物序災禍不至

所求不置

志本國語

二十六年西戎來賓

史記曰殷復興諸侯歸之

王使王孟聘西戎

山海經曰丈夫國在維鳥北其爲人衣冠帶劒郭注云殷帝太戊使王孟採藥從西王母至此絕糧不能進食木實衣木皮終身無妻而生二子其形中出其父卽死是爲丈夫民

三十一年命費侯仲衍爲車正

史記曰大費生大廉大廉元孫曰孟戲中衍鳥身人言帝大戊聞而卜之使御吉遂致使御而妻之自太戊以下中衍之後遂世有功以佐殷國故嬴姓多顯遂爲諸

侯

三十五年作寅車

詩六月傳曰夏后氏曰鉤車先正也殷曰寅車先疾也

周曰元戎先良也董巴輿服志曰商瑞山車金根之色

商人以爲大輅

齊志曰殷因乘鉤而制車因桑根而爲色

四十六年大有年

五十八年城蒲姑

杜預曰樂安博昌縣北有蒲姑城服虔曰蒲姑商奄濱

東海者也蒲姑齊也商奄魯也史記作薄姑

六十一年東九夷來賓

原註大戊遇祥桑側身修行三年之後遠方慕明德重

譯而至者七十六國商道復興廟爲太宗

史記作中宗

七十五年陟

經世通志前編同

書無逸曰昔在殷王中宗嚴恭寅畏天命日度治民祇懼不敢荒寧肆中宗之享國七十有五年

仲丁

原註名莊

史記曰中宗崩子帝仲丁立

元年辛丑王卽位自亳遷于囂于河上

御覽引無于河上三字

書序曰仲丁遷于囂作仲丁

篇亡史記囂作囂

水經曰濟水又

東逕敖山北注云詩所謂薄狩于敖者也其山上有城

卽殷帝仲丁之所遷也世紀曰仲丁自亳徙囂於河上

者也或曰敖矣秦置倉於其中故亦曰敖倉城也

括地志曰

陳陽故城在鄭州滎澤縣南十七里殷時敖地也

六年征藍夷

後漢書

東夷傳

曰仲丁之世藍夷作寇自是或服或叛三

百有餘年

案自是年至紂亡三百四十四年與紀年合

九年陟

經世前編云十三年通志云十一年

外壬

原註各發

史記曰帝仲丁崩弟外壬立是爲帝外壬

元年庚戌王卽位居囂

邠人妣人叛

左傳趙孟曰商有妣邠杜註曰妣邠二國商諸侯邠下

邠縣括地志曰古旻城在陳留縣東五里

十年陟

經世通志前編並云十五年

河亶甲

原註
名盤

史記曰帝外壬崩弟河亶甲立是爲帝河亶甲河亶甲時殷復衰

元年庚申王卽位自囂遷于相

書序曰河亶甲居相作河亶甲

篇亡括地志曰故殷城在

相州內黃縣東南十三里卽河亶甲所築都之故名殷城也

三年彭伯克邳

四年征藍夷

五年侁人入于班方彭伯韋伯伐班方侁人來賓

案湯時
韋已破

取此又其
別封名耳

漢書韋賢傳以詩諫楚王戊曰肅肅我祖國自豕韋彤

弓斯征撫寧遐荒總齊羣邦以翼大商迭彼大彭勲績

維光

九年陟經世通志前編同

路史國名紀曰亶甲故城在安陽西北五里亶甲冢在城外西北隅洹水南岸

祖乙原註名滕

史記曰河亶甲崩子帝祖乙立人表以祖乙為河亶甲之弟

元年己巳王卽位自相遷于耿

史記曰祖乙遷於邢索隱曰邢音耿近代本作耿括地

志曰絳州龍門縣東南十二里耿城故耿國案隱曰今

有耿鄉通鑑註曰耿故耿國在蒲州城東北今河津縣是

命彭伯韋伯

鄭語史伯曰大彭豷韋爲商伯矣

韋註曰殷衰二國相繼爲商伯

二年圮于耿

書序曰祖乙圮于耿作祖乙篇鄭康成曰祖乙居耿後

奢侈踰禮土地迫近山川嘗圮焉

自耿遷于庇

皇極經世曰祖乙圮于耿徙居邢

方輿紀要謂耿爲今山西河津縣邢爲直

隸邢臺縣本通志

統箋曰邢與庇當是一地世紀云紂自朝歌

北築沙丘臺沙丘在鉅鹿東北七十里括地志云在邢

州平鄉東北二十里則史記所謂祖乙遷邢者當卽竹

書所云遷庇者也

三年命卿士巫賢

書君奭曰在祖乙時則有若巫賢

孔傳曰賢巫咸子巫氏

史記曰

帝祖乙立殷復衰巫咸任職案咸當作賢

八年城庇

寰宇記曰繹幕故城在今德州平原縣西北二十里按郡國志云殷至祖乙時置驛於此

十五年命邠侯高圉

史記曰公劉卒子慶節立國於豳慶節卒子皇僕立皇僕卒子差弗立差弗卒子毀喻立世本作偽喻卒子公

非立公非卒

世本曰公非辟方人表云辟方公非子

子高圉立

人表曰高圉辟方子

○案自夏少康三年復田稷

時當公劉說見前

至是五百十六

年據史記公劉至高圉七世據世本人表則多辟方爲八世當以世本爲近皇甫謐以辟方爲公非之字特臆說耳

十九年陟

經世通志
前編同

原註祖乙之世商道復興廟爲中宗

史記與無
逸皆無之

古史紀年卷五終

古史紀年卷六

閩中林春溥鑑塘集

祖辛原註名旦

史記曰祖乙崩子帝祖辛立

元年戊子王卽位居庇

十四年陟

經世通志前編並云十六年

開甲原註名說史記作沃甲

史記曰帝祖辛崩弟沃甲立是爲帝沃甲世本作開甲書疏以開甲

爲廟辛子

元年壬寅王卽位居庇

五年陟

經世前編云二十五年通志云二十年

祖丁原註
名新

史記曰帝沃甲崩立沃甲兄祖辛之子祖丁是為帝祖

丁書疏引史以祖
丁為開甲之弟

元年丁未王即位居庇

九年陟

經世通志前編云三十二年

南庚原註
名更

史記曰帝祖丁崩立帝沃甲之子南庚是為帝南庚

元年丙辰王即位居庇

三年遷于奄

統箋曰郡國志魯國即奄國昭四年傳曰因商奄之民

命以伯禽或以商嘗遷此故遂謂商奄乎○案盤庚

五遷唯紀年載之最明

六年陟

經世前編云二十五年通志云二十九年

陽甲原註名和一
名和甲

史記曰帝南庚崩立帝祖丁之子陽甲是爲帝陽甲帝陽甲之時殷衰自中丁以來廢適而更立諸弟子弟子或爭相代立比九世亂於是諸侯莫朝

元年壬戌王卽位居奄

鄭康成曰陽甲立盤庚爲之臣乃謀徙居湯舊都民居耿久奢淫成俗故不樂徙

三年西征丹山戎

山海經曰有始州之國有丹山郭注云此山純出丹朱也竹書曰和甲西征得一丹山今所在亦有丹山丹出土穴中

四年陟

經世前編云七年通志同又引帝王本紀云十七年

盤庚原註名旬

史記曰帝陽甲崩弟盤庚立是爲帝盤庚

元年丙寅王卽位居奄

七年應侯來朝臣瓚曰汲郡古文殷時已有應國蓋據此文

水經注曰滢水又左合橋水水出魯陽縣北恃山東南

逕應山北又南逕應城西地理志曰汝父城縣之應鄉

也括地志曰故應城在汝州魯山縣東南三十里

十四年自奄遷于北蒙曰殷書正義曰殷在新南三十里

書序曰盤庚五遷將治亳殷疏引來旨據孔安中尚書作將治亳殷民咨

胥怨作盤庚三篇史記曰小辛立百姓思盤庚適作聖史記曰帝盤庚之時殷已都河北王肅曰自紂在王世

室奢侈下民邑居墊隘水泉瀉鹵不可以行政化故徙都於殷盤庚渡河南復成湯之

故居迺五遷無定處殷民咨胥皆怨不欲徙盤庚乃告

諭諸侯大臣曰昔高后成湯與爾之先祖俱定天下法

則可修舍而弗勉何以成德乃遂涉河南治亳皇甫謐曰今偃

師是也行湯之政然後百姓由寧殷道復興諸侯來朝以

其遵成湯之德也墨子曰盤庚大其先王之室而政恩於殷茅茨不翦采椽不斷以變天下

視之

十五年營殷邑

書盤庚曰盤庚既遷奠厥攸居乃正厥位綏安有衆曰
無戲怠懋建大命今予其敷心腹腎腸厯告爾百姓于
朕志罔罪爾衆爾無共怒協比讒言予一人古我先王
將多于前功適于山用降我凶德嘉績于朕邦今我民
用蕩析離居罔有定極爾謂朕曷震動萬民以遷肆上
帝將復我高祖之德亂越我家朕及篤敬恭承民命用
永地于新邑肆予冲人非廢厥謀弔由靈各非敢違卜
用宏茲賁嗚呼邦伯師長百執事之人尙皆隱哉予其
懋簡相爾念敬我衆朕不肩好貨敢恭生生鞠人謀人
之保居敘欽今我既羞告爾百姓于朕志若否罔有弗
欽無總于貨寶生生自庸式敷民德永肩一心

九年命邠侯亞圉

史記曰高圉卒

世本曰高圉侯牟人表高圉後有夷族

五年命高圉至是六十七年矣世本侯牟恐是高子亞

圉立

人表以夷族亞

二十八年陟

經世通志前編同

小辛

原註各頌

史記曰帝盤庚崩弟小辛立是為帝小辛

人表以小子為盤庚之子

帝小辛立殷復衰

元年甲午王即位居殷

三年陟

經世通志前編並云二十一年

小乙

原註名敘

史記曰帝小辛崩弟小乙立是爲帝小乙

元年丁酉王卽位居殷

六年命世子武丁居于河學于甘盤

書無逸曰其在高宗時舊勞于外爰暨小人楚語白公子張曰昔殷武丁能聳其德以入于河自河徂亳書說命王曰台小子舊學于甘盤

十年陟

經世前編云二十八年通志云二十一年

武丁

原註
名昭

史記曰帝小乙崩子帝武丁立

元年丁未王卽位居殷命卿士甘盤

書君奭曰在武丁時則有若甘盤

三年夢求傳說得之

史記曰帝武丁卽位思復興殷而未得其佐三年不言

政事決定於冢宰以觀國風武丁夜夢得聖人名曰說

世紀曰高宗夢天賜賢人胥靡之衣裳而來曰我徒也

姓傳名說武丁無而推之口傳者相也說者歡說也天

下豈有傳我以夢所見視羣臣百吏皆非也荀子曰傳

而說民者哉於是廼使百工營求之野得說於傅險中書序曰

如植得說使百工營求諸野得諸傅險作說命一篇史正義

曰地理志云傅險卽傳說所隱之處俗名聖人窟在今

陝州河北縣北七里卽虞國虢國之界又有傳說祠水

經注曰沙澗水北虞山南經傅巖傅說隱室前俗名聖

人是時說爲胥靡築於傅險韓非子曰傳說轉密界

之上衣褐帶索庸築於傅巖之城世紀曰果見築者胥

靡衣褐帶索執役於號虞之間傅巖之野名說拾遺記

日傳說賃爲緒衣者春於深巖以自給夢乘雲繞日而

行筮得利建矣之卦歲餘湯以玉帛聘爲阿衡也○案

誤合伊尹爲見於武丁武丁曰是也得而與之語果聖

一無稽之甚

人舉以爲相殷國大治故遂以傳險姓之號曰傳說

六年命卿士傳說

書說命曰爰立作相王置諸其左右

墨子曰三公

命之曰

朝夕納誨以輔台德若金用汝作礪若濟巨川用汝作舟楫若歲大旱用汝作霖雨股乃心沃朕心若藥弗瞑眩厥疾弗瘳若跣弗視地厥足用傷惟暨乃僚罔不同心以匡乃辟俾率先王迪我高后以康兆民嗚呼欽予時命其維有終說復于王曰惟木從繩則正后從諫則聖后克聖臣不命其承疇敢不祇若王之休命惟說命總百官乃進于王曰嗚呼明王奉若天道建邦設都樹后王君公承以大夫師長不惟逸豫惟以亂民惟天聰明惟聖時憲惟臣欽若惟民從乂惟口起羞惟甲冑起

戎惟衣裳存笥惟干戈省厥躬王惟戒茲允茲克明乃
罔不休惟治亂在庶官官不及私昵惟其能罔及惡
德惟其賢慮善以動動惟厥時有其善喪厥善矜其能
喪厥功惟事事乃其有備無患無敢寵納侮無恥
過作非惟厥攸居政事惟醇黷于祭祀時謂弗欽禮煩
則亂事神則難王曰旨哉說乃言惟服乃不良于言予
罔聞于行說拜稽首曰非知之艱行之惟艱王忱不艱
允協于先王成德惟說不言有厥咎

視學養老

書說命王曰來汝說台小子舊學于甘盤既乃遜于荒
野入宅于河自河徂亳暨厥終罔顯爾惟訓于朕志若
作酒醴爾惟麴蘖若作和羹爾惟鹽梅爾交修予罔予

棄予惟克邁乃訓說曰王人求多聞時惟建事學于古
訓乃有獲事不師古以克永世匪說攸聞惟學逸志務
時敏厥修乃來允懷于茲道積于厥躬惟教學半念終
始典于學厥德修罔覺監于先王成憲其永無愆惟說
式克欽承旁招俊乂列于庶位王曰嗚呼說四海之內
咸仰朕德時乃風股肱惟人良臣惟聖昔先正保衡作
我先王乃曰予弗克俾厥后惟堯舜其心愧恥若撻于
市一夫不獲則曰時予之辜佑我烈祖格于皇天爾尙
明保予罔俾阿衡專美有商惟后非賢不乂惟賢非后
不食其爾克紹乃辟於先王永綏民說拜稽首曰敢對
揚天子之休命禮王制曰殷人養國老於右學養庶老
於左學明堂位曰特又曰殷人冔而祭縞衣而養老又

曰凡養老般人以食禮

十二年報祀上甲微

魯語展禽曰上甲微能帥契者也商人報焉孔叢子書
曰維高宗報上甲微定公問曰此何謂也孔子對曰此
謂親盡廟毀有功而不及祖有德而不及宗故於每歲
之大嘗而報祭焉所以昭其功德也

二十五年王子孝已卒于野

尸子曰殷高宗之子曰孝已有孝行事親一夜五起視
衣之厚薄枕之高下也素策陳軫曰孝已愛其母早死其親天下欲以爲子

高宗感後妻言放之而死

家語曾子曰高宗以後妻殺季已

二十九年彤祭太廟有雉來

史記曰帝武丁祭成湯明日有飛雉登鼎耳而响武丁

懼祖己曰王勿憂先脩政事祖己乃訓王曰惟天監下
典厥義降年有永有不永非天天民中絕其命民有不
若德不聽罪天既附命正厥德乃曰其奈何嗚呼王嗣
敬民罔非天繼常祀母禮于棄道武丁修政行德天下
咸驩殷道復興書大傳曰武丁祭成湯有雉飛升鼎耳也無則遠方將有來朝者乎故武丁內反諸已以思先王之道三年編髮重譯來朝者六國孔子曰吾於高宗形日見德有報之疾也古今注曰雉尾扇起於殷世高宗時有雉雉之祥服章多用翟羽

三十二年伐鬼方

世本曰黃帝娶於鬼方氏又曰陸終娶於鬼方氏之妹

曰女嬪

注云鬼方於漢則先零戎也楊慎曰今鬼州有羅鬼夷俗又呼貴州爲鬼州

後漢書

西羌傳

曰殷室中衰諸侯背叛至於武丁征西戎鬼方匡衡

傳曰成湯化異陷而懷鬼方

次于荆

詩序曰殷武祀高宗也撻彼殷武奮伐荆楚罽入其阻
哀荆之旅有截其所湯孫之緒惟女荆楚居國南鄉昔
有成湯自彼氐羌莫敢不來享莫敢不來王曰商是常
三十四年王師克鬼方氐羌來賓

易乾鑿度孔子曰既濟九三高宗伐鬼方三年克之殷
道中衰王道陵遲至於高宗內理其國以得民心扶救
衰微伐征遠方三年而惡消滅王道成殷人高而宗之
文王挺以校易勸德也

四十三年王師滅大彭

五十年征豕韋克之

鄭語史伯曰彭姓彭祖豕韋諸稽則商滅之矣韋昭曰

大彭豕韋爲商伯其後世失道殷復興而滅之

五十九年陟

經世通志前編同

原註王殷之大仁也力行王道不敢荒寧嘉靖殷邦至于小大無時或怨是時輿地東不過江黃西不過氏羌南不過荆蠻北不過朔方而頌聲作禮廢而復起廟號高宗書無逸曰肆高宗之享國五十有九年

魯世家作五十五年

漢石經作百年漢五行志劉向傳皆云高宗百年漢杜欽曰高宗享百年之壽

祖庚

原註名曜

史記曰帝武丁崩子帝祖庚立

元年丙午王卽位居殷作高宗之訓

史記曰祖己嘉武丁之以祥雉爲德立其廟爲高宗遂

作高宗彤日及訓

書序曰高宗祭成湯有飛雉升鼎耳而雊祖己訓諸王作高宗彤日高宗

之訓○後篇亡案孔疏謂高宗之訓所以訓高宗然高宗乃武丁之廟號武丁未陟之前豈可云高宗之訓竹書與史固相為表裏也

十一年陟

經世通志前編並云七年

祖甲

原註名載國語作帝甲

史記曰帝祖庚崩第祖甲立是為帝甲

元年丁巳王即位居殷

書無逸曰其在祖甲不義惟王舊為小人

鄭氏曰祖甲武丁子帝甲

也有兄祖庚賢武丁欲廢兄立弟祖甲以此為不義迷於人間作其即位爰知小人之

依

十二年征西戎冬王返自西戎

原註祖甲西征得一丹山

案郭璞山海經注引作和甲事宜在陽甲三年發此誤也

十三年西戎來賓

命邠侯組紂

史記曰亞圉卒

世本日亞圉雲都人表云雲都亞圉字杜預世族譜作

纘子公叔祖類立

世本作太公祖紂諸盤世表作公祖類人表作太公祖本或作公祖索隱引

世表作叔類中虜疏引作太公叔類稽古錄作公叔祖類

○案自盤庚十九年命亞

圉至此共一百六年則中宜有雲都一代也

紀年原註公劉之後

十三世而生季歷亦見宋符瑞志據史記只十世耳當如世本加辟方侯牟雲都乃合

二十四年重作湯刑

呂氏春秋引商書曰刑三百罪莫重于不孝高誘曰商

湯所制法也左傳叔向曰商有亂政而作湯刑

二十七年命王子囂王子良

西京雜記曰霍將軍妻一產二子疑所為兄弟霍光聞

之曰昔殷王祖甲一產二子曰囂曰良以卯日生囂曰
已日生良則以囂為兄以良為弟霍氏亦以前生為兄
焉

三十三年陟

經世前編同年代
歷通志云十六年

書無逸曰能保惠于庶民不敢侮鰥寡肆祖甲之享國

三十有三年

國語曰元王勤商十有四世帝甲亂之七
世而陷史記曰帝甲淫亂殷復衰紀年原

註王舊在野及卽位知小人之依能保惠庶民不侮鰥
寡迨其末也繁刑以攜遠殷道復衰○案祖甲之賢自
當以周公之言為定史記之說蓋因國語而白時厥後
誤也紀年註出入無逸國語調停兩可亦非

立王生則逸生則逸不知稼穡之艱難不聞小人之勞

惟耽樂之從自時厥後亦罔或克壽或十年或七八年

或五六年或四三年

馮辛

原註名先史記作康辛○世本
作祖辛人表世紀俱作憑辛

史記曰帝甲崩子帝廩辛立

元年庚寅王卽位居殷

四年陟

經世通志前編並云六年

庚丁

原註
名篇

史記曰帝廩辛崩弟庚丁立是爲帝庚丁

元年甲午王卽位居殷

八年陟

經世前編云二十一年通志云六年又引帝王本紀云

十一年

武乙

原註
名篇

史記曰帝庚丁崩子帝武乙立

元年壬寅王卽位居殷

邠遷于岐周

史記曰公叔祖類卒子古公亶父立古公亶父復修后

稷公劉之業積德行義國人皆戴之薰育戎狄攻之後漢

西羌傳曰武乙暴虐犬戎寇邊古公避於岐下欲得財物予之已復欲得地與

民民皆怒欲戰古公曰有民立君將以利之今戎狄所

爲攻戰以吾地與民民之在我與其在彼何異民欲以

我故戰殺人父子而君之子不忍爲乃與私屬遂去幽

渡漆沮踰梁山止於岐下雍錄曰邠在岐西北自五

里爲奉天縣有梁山渭水在梁山之南循水西上可以

達岐岐在今鳳翔府西五十里岐水之南今有周原南

五十里又幽人舉國扶老攜幼盡復歸古公於岐下及

他旁國聞古公仁亦多歸之於是古公乃貶戎狄之俗

而營築城郭宮室而邑別居之

吳越春秋曰居三月成城郭一年成邑二年成

都而民五倍其初皇甫謐曰邑於周地始改國曰周

作五官有司民皆歌樂之頌

其德詩序曰縣文王之興本由太王也縣縣瓜隄民之

初生自土沮漆古公亶父陶復陶穴未有家室古公亶

父來朝走馬率西水滸至于岐下爰及姜女聿來胥宇

列女傳曰太姜者有呂氏之女太王娶以爲妃生太伯仲雍王季貞順率道靡有過失太王謀事遷徙必與太

姜周原膺膺董荼如飴爰始爰謀爰契我龜曰止曰時

築室于茲迺慰迺止迺左迺右迺疆迺理迺宜迺畝自

西徂東周爰執事乃召司空乃召司徒俾立室家其繩

則直縮版以載作廟翼翼揀之陳陳度之薨薨築之登

登削屢馮馮百堵皆興鼙鼓弗勝迺立皋門皋門有伉

迺立應門應門將將迺立冢土戎醜攸行肆不殄厥愠

亦不隕厥問柞械拔矣行道兌矣泥夷駭矣維其際矣
三年自殷遷于河北
史記曰武乙立殷復自亳徙河北相州圖經曰安陽在
淇洹二水之間本殷墟也

命周公亶父賜以岐邑

書大傳曰大王遷岐國人束脩奔走而從之者三千乘
止而成三千戶之邑詩皇矣曰皇矣上帝臨下有赫
監觀四方求民之莫維此二國其政不獲維彼四國爰
究爰度上帝耆之憎其式廓乃眷西顧此維與它作之
屏之其蓄其翳修之平之其灌其柵啟之辟之其樛其
柎攘之剔之其廩其柘帝遷明德串夷載路大立厥配
受命既固

十五年自河北遷于洙

括地志曰朝歌在衛州東北七十三里朝歌故城是也

本妹邑武丁始都之

水經注引晉書地道記亦云武丁遷洙並與紀年異路史國

名紀曰洙武丁遷之在朝歌故城南詩洙之鄉者近紂

都朝歌武乙徙之

本注云見世紀今衛之黎陽衛鎮西二十二

有朝歌城

二十一年周公薨父薨

史記曰古公有長子曰太伯次曰虞仲太姜生少子季

厯季厯娶太任皆賢婦人生昌

晉語胥臣曰昔者太任娠文王不覺少浚於承

牢而得文王不加病焉文王在母不憂在傅弗勤處師

弗煩事王不怒列女傳曰太任者摯任氏中女也王季

娶為妃太任之性端一誠莊惟德之行及共其有娠目不

覩惡色耳不聽淫聲口不出惡言能以胎教洩於承牢

則生文王文王生而明聖太任教之以一而識百君子

謂大任為能胎教宋符瑞志曰太任夢長人感已浚于

豕牢而生昌是為周文王龍有聖瑞宋符瑞志曰初黃
顏虎肩身長十尺胸有四乳北為王期在甲子昌古公曰我世當有興者其在昌乎
制命發行誅旦行道當生於武乙元年正太王遷岐之歲故孟子曰文王生
於岐周至是長子太伯虞仲知古公欲立季歷以傳昌
論衡曰太王以王季之可立故易名為季歷乃二人亡
者適也太伯覺悟之吳越採藥以避王季如荆蠻文身斷髮以讓季歷
一國之事而以嗣我我其羞之吾聞至人也其貴吾安能貴乎
一國而賤乎萬代哉吳越春秋曰古公卒古公卒
病二人託名採藥於衡山遂之荆蠻古公卒
百二十歲韓詩外傳曰太王賢昌而欲季為後也太伯
去之吳太王將死謂曰我死汝往讓兩兄彼即不來汝
有義而安太王薨季之吳告伯仲伯仲從季而歸羣臣
欲伯之立季季又讓伯謂仲曰何以處之仲曰別有所
謂矣要於扶微者可以立季季遂立而養文王論衡曰
太王薨太伯還王季避之太伯再讓王季不聽三讓曰
吾之吳越吳越之俗斷髮文身吾刑餘之人不可為宗
廟社稷之主王季知不可權而受之喪服要記曰泰伯

出奔聞古公薨還赴喪故作牀廬以彰其尸吳越春秋
曰古公卒太伯仲雍歸赴喪畢還荆蠻國民君而事之
自號為季歷立是為公季公季修古公遺道篤行仁義

諸侯順之

二十四年周師伐程戰于畢克之

公季二年

周書曰昔有畢程氏損祿增爵羣臣貌置比而戾民畢
程氏以亡關中記曰高陵北有畢原畢陷南北數十里
東西二三百里無山川陂池井深五十丈故周程戰處
三十年周師伐義渠乃獲其君以歸

公季九年

周書曰昔者義渠氏有兩子異母皆重君疾大臣分黨
而爭義渠以亡九域志曰邠州古義渠城

三十一年飛龍盈于牧野

增○公季十年

宋符瑞志曰季歷之十年飛龍盈于殷之牧野此蓋聖

人在下位將起之符也

紀年
註同

三十四年周公季歷來朝王賜地三十里玉十穀馬十四

御覽公作王十四匹作
八匹○公季十三年

三十五年周公季歷伐西落鬼戎

公季十
四年

後漢西羌傳曰季歷伐西落鬼戎註引紀年武乙三十

五年周王季伐西落鬼戎俘二十翟王

王畋于河渭大雷震死

經世通志前
編云四年崩

史記曰帝武乙無道爲偶人謂之天神與之博令人爲

行天神不勝乃僂辱之爲革囊盛血仰而射之命曰射

天獵於河渭之間暴雷武乙震死

文丁

原註名托史記作太丁非○案西羌
傳註御覽引俱作太丁世紀作文丁

史記曰武乙子帝太丁立

元年丁丑王卽位居殷

原註自沫歸殷邑

二年周公季厯伐燕京之戎敗績

公季十六年

後漢西羌傳曰太丁之時季厯復伐燕京之戎戎人大

敗周師

註引紀年曰太丁二年周人伐燕京之戎周師大敗

統箋曰淮南子汾出

燕京高誘曰燕京山在太原汾陽縣燕京之戎蓋居此

山也

三年洹水一日三絕

水經注曰洹水出洹山連逕殷墟北

四年周公季厯伐余無之戎克之命爲牧師

公季十八年

後漢西羌傳曰後二年周人克余無之戎於是太丁命

季厯爲牧師

註引紀年曰太丁四年周人伐余無之戎克之周王季命爲殷牧師文選典引注引

作武乙卽位周王季命爲殷牧師誤孔叢子子思曰吾聞諸子夏殷王帝

乙之時王季以功九命作伯受圭瓚秬鬯之賜故文王

因之得專征伐案帝乙說異○統箋曰左傳成八年劉康公敗績於徐吾氏上黨記純留縣有

余吾城在縣西北二十里余無之戎當卽余吾也

五年周作程邑公季十年

寰宇記引周書曰惟王季宅於程又引世紀云文王徙居於程括地

志曰安陵故城在雍州咸陽縣東二十一里周之程邑

也

七年周公季歷伐始呼之戎克之公季二十一年

西羌傳注引紀年曰太丁七年周人伐始呼之戎克之

十一年周公季歷伐翳徒之戎獲其三大夫來獻捷公季二十一年

年五

西羌傳曰自是之後更伐始呼翳徒之戎皆克之

注引紀年

曰太丁十一年周人伐翳徒之戎捷其三大夫

王殺季歷

原註王嘉季歷之功錫之圭瓚秬鬯九命爲伯既而執

諸塞庫

廣信齊王憲碑云囚箕子於塞庫季歷困而死

呂氏春秋曰王季困而死文因謂文丁殺季歷

王苦之六韜曰王季壽百歲因謂文丁殺季歷引紀年

云文丁殺季歷原註執王季於塞庫史記曰公季

卒皇甫謐曰葬子昌立是爲西伯鄠縣之南山遵后稷公劉之業則

古公公季之法文王世子曰文王之爲世子朝於王季

豎之御者曰今日安否何如內豎曰安文王乃止及日

中以告文王文王色憂行不能正履王季復膳然後亦復

初食上必在視寒煖之節食下問所膳命膳宰曰未有

原應曰諾篤仁敬老慈少禮下賢者

晉語胥臣曰及其

然後退

而咨于二號度于閔天而謀于南宮諏于蔡原而訪于羣尹重之以周召畢榮億寧百神而采和萬民
中不暇食以待士士以此多歸之新序曰文王學於鉞時

十二年原註周文公元年有鳳集于岐山

外史曰昔者文王為西伯修德行仁澤被南海是時也

有鳥鳴于岐名曰鳳凰百姓陳路而歌羣臣盈庭而頌

文王曰奚為鳳乎是爾臣庶飾其所聞以重予過宋符瑞志

曰文王夢日月著其身又鸞鸞鳴於岐山括地象曰岐山在崑崙山東南為

地乳上多白金周之興也鳳鳴於岐山時人亦謂岐山

為鳳凰堆也

十三年陟通志引作十一年異

經世通志前編並云三年

帝乙原註名義

史記曰帝太丁崩子帝乙立帝乙立殷益衰

元年庚寅王卽位居殷

世紀曰帝乙復濟河北徙朝歌其子紂仍都焉

二年

御覽八十三引紀年云帝乙二年周人伐商今無此文

三年

文公五年王命南仲西拒昆夷城朔方

詩序曰采薇遺戍役也文王之時西有昆夷之患北有

玁狁之難以天子之命命將率遣戍役以守衛中國故

歌采薇以道之出車以勞還杖杜以勤歸也采薇采薇

薇亦作止曰歸曰歸歲亦莫止靡室靡家玁狁之故不

遑啟居玁狁之故我出我車于彼牧矣自天子所謂我

來矣召彼僕夫謂之載矣王事多難維其棘矣王命南

仲

毛傳曰王殷王也南仲文王之屬

往城于方出車彭彭旂旐央央天

子命我城彼朔方赫赫南仲獫狁于襄周書序曰文王
立西距昆夷北備獫狁謀武以昭威懷作武稱大國不
失其威小國不失其卑敵國不失其權岨嶮伐夷并小
奪亂□強攻弱而襲不正武之經也伐亂伐疾伐疫武
之順也賢者輔之亂者取之作者勸之怠者沮之恐者
懼之欲者趣之武之用也美男破老美女破舌淫圖破
□淫巧破時淫樂破正淫言破義武之毀也赦其衆遂
其咎撫其□助其變武之閒也餌敵以分而照其儲以
伐輔德追時之權武之尙也春違其農秋伐其穡夏取
其麥冬寒其衣服春秋欲舒冬夏欲亟武之時也長勝
短輕勝重直勝曲衆勝寡強勝弱飽勝饑肅勝怒先勝
後疾勝遲武之勝也追戎無恪窮寇不格力倦氣竭乃

易克武之追也既勝人舉旗以號令命吏禁掠無取侵
暴爵位不謙田宅不虧各寧其親民服如化武之撫也
百姓咸服偃兵興德夷厥險阻以毀其服四方畏服奄
有天下武之定也

六年

增○文
公八年

夏六月周地震

呂氏春秋曰周文王立國八年歲六月文王寢疾五日
而地動東西南北不出國郊百吏皆請曰臣聞地之動
爲人主也今王寢疾五日而地動四面不出周郊羣臣
皆恐曰請移之文王曰若何其移之也對曰興事動衆
以增國城其可以移之乎文王曰不可夫天之見妖也
以罰有罪也我必有罪故天以此罰我也今故興事動
衆以增國城是重吾罪也不可文王曰昌也請改行重

善以移之其可以免乎於是謹其禮秩皮革以交諸侯
飾其辭令幣帛以禮豪士頒其爵列等級田疇以賞羣
臣無幾何疾乃止

韓詩外傳亦云文王
即位之八年地動

九年陟

經世通志前編
並云三十七年

書酒誥曰自成湯咸至于帝乙成王畏相惟御事厥棐
有恭不敢自暇自逸矧曰其敢崇飲多士曰自成湯至
于帝乙罔不明德恤祀亦惟天丕建保乂有殷殷王亦
罔敢失帝罔不配天其澤

古史紀年卷六終